



**Adnotationes || Et Meditationes || In Evangelia Qvae || In
Sacrosancto Mis-||sae Sacrificio || Toto Anno || Legvntvr;||**

Nadal, Gerónimo

Antuerpiæ, M. D. XCV.

Extra vineam filium occidunt.

[urn:nbn:de:hbz:466:1-78158](https://nbn-resolving.org/urn:nbn:de:hbz:466:1-78158)

quocunque momento te, tuumque palmitē arefactum excindere, ac te dare in Infernum æterno igne concremandum. Caue miserrime, redi ad vitē, extirpa vitē Dæmonis, inseret te rursum Christus vini saluari & calesci. Si enim hoc feceris, iuvante Christo IESU, extrulisti Dæmonem. Poenitentia tua per Sacramentum in Christo fecit, ut rursum aridus tuus palmes sit restitutus, vitorem acceperit, folia rursus & vvas produxerit. Hæc Christus per torcular suum, per lacum sanguinis sui contulit ad iustificationem tuam, dein ad meritum vitæ æternæ. Quod si adduxit te etiam ad religionis statum, & quasi tuū palmitē nobilitavit, ac fecit uberiorē, animaduerte ne hanc gratiā rursus negligas: vide ne obediētiā tuorum Superiorum repugnes: illos enim mittit ad te Deus, qui requirāt fructum tui palmitis & vineæ, id est virtutū quas in te plantavit, & quibus fructum exigit con-

tinenter. Ne item illas neglexeris internas meas inspirationes, in oratione, in Missa, in confessione, in Sacramentis, ne fratrum pia exempla contemnas. Cole vineam tuam diligenter, quod oratione facies, vſu virtutum omnium, mortificatione, humilitate & obediētia, simul actionibus & ministerijs tui instituti. In his si negligens fueris, scito verum esse quod Deus dixit: Qui modica spernit, paulatim decideret. Illa enim te negligentem, dubium nullum est, quin paulatim in lethale peccatum conijciat, & vocationis tuæ obscuritatem, & gravissimas infirmitates, caritates animi, & obstinationes obducant: cum quibus apostasia coniuncta esse solet, & omne baratrum flagitiorū. Auferet verò à te Christus omnia quæ contulerat dona: dabit diripiendum & conculcandum teterimis Dæmonijs: quæ auerit Deus. Amen.

Ecl. 19.



EADEM FERIA VI. POST DOMINICAM SECUNDAM QVADRAGESIMÆ.

Extra vineam filium occidunt.

EISDEM CAP.

ANNO XXXIII.

In xli. imaginem adnotati iuncula.

xli.

92.

A. Eiectum extra vineam filium interficiunt agricola.
Extra portam enim crucifixus est Dominus.
B. IESVS interrogat Principes quid sit factum Domini vinea.

C. Venit paterfamilias cum armatis, & malos agricolas male perdit.
D. Locat vineam alijs agricolis, &c.

SECUNDA

DOMINICAM QUADRAGESIMAE.
SECUNDA PARS EVANGELII MISSÆ.

133

MAR. XII.

MATTH. XXI.

LUC. XX.

Et apprehendentes eum occiderunt.

ET apprehensum eum eiecerunt extra vineam, & occiderunt.

Et eiecit eum illum extra vineam, occiderunt.

Cum ergo venerit dominus vineæ,

quid faciet agricolis illis?

Quid ergo faciet illis dominus vineæ?

Aiunt illi;

Malos malè perdet: & vineam suam locabit alijs agricolis, qui reddent ei fructum temporibus suis.

Veniet & perdet colonos istos, & dabit vineam alijs. Quo audito dixerunt illi; Absit. Ille autem aspiciens eos, ait:

Quid est ergo hoc quod scriptum est:

Nec scripturam hanc legistis;

Dicit illis IESVS;

Nunquam legistis in scripturis, Lapidem quem reproba-
uerunt ædificantes, hic factus est in caput anguli; A Domino factum est istud, & est mirabile in oculis nostris? Ideo dico vobis, quia auferetur à vobis regnum Dei, & dabitur genti facienti fructus eius.

Et qui ceciderit super lapidē istum, confringetur:

super quem verò ceciderit, conteret eum.

omnis qui ceciderit super illum lapidem, conquassabitur.

super quem autem comminuet illum.

Et cum audissent Principes Sacerdotum & Pharisei parabolas eius, cognouerūt quòd de ipsis diceret:

& quærentes eum tenere,

Et querebant Principes Sacerdotum & Scriba mittere in illum manus illa hora, populum.

Et querebant

timuerunt turbas:

quoniam sicut Prophetam eum habebant.

M

ADNO-

ADNOTATIO.

NON potuit omnia complecti superior imago, propterea additur secunda.

A. Crudeliter interficiunt coloni filium Patrisfamilias à vinea exturbatum: extra portam enim Christus Dominus crucifixus est.

B. IESVS interrogat Principes ac Pharisæos, quid pro tanta indignitate & maleficio facturum existiment dominum vinea, cum venerit rationem à colonis exacturus. Respondent, sumpturum de illis colonis supplicium, vineam alijs locaturum. Idem respondet postea Christus: sed illi dicunt enervate & languide, nec sentiunt quid dicant, vel mouetur illa veritate, quæ prolata à Christo illorum corda percussit acerbè. Propterea illa verba à Christo prolata exhorret atque abominantur. Tange Chrisfe IESV corda nostra, sed in bonum, nostri misertus, ut commoneamur vi ac dulcedine tua veritatis.

C. Venit dominus vinea cum armatorum manu, extrudit à vinea sceleratos colonos, dissipat, atque interficit.

D. Locat alijs agricolis vineam suam, qui dent prouentum suo tempore. Vtramque imaginem potes ad spiritum referre, nam apertè exauctoratio Synagoga describitur, & Ecclesie electio. Tamen grauissimè admonemur singuli, ut diuinas visitationes vel inspirationes non negligamus vel rejiciamus, ne amissis donis, incidamus in Christi iustitiam per vitæ nostræ peruersitatem, & conquassentur vires nostræ & confringantur. In quas confractas incumbat & cadat Dei iustitia, & comminuat non charitatem solum, & dona spiritus sancti, sed fidem etiam aboleat & spem. Solet enim vitæ flagitiosa parere desperationem atque infidelitatem, vel omnino omnis boni neglectum.

SABBA-

